

Uc

7656



~~C 8074~~

Uc 7656



Biblioteka Jagiellońska

std:0015299

Uc 7656



ORATIO

corā Serenissimo domino Sigis-

MVNDI POLONIE REGE INVI-

ssimo in reditu suę Maieſtatis ex Litauania
per R. P. D. Bernardū Vapouſkij Ra-
dochonieñ. Prothonoſ. aplicum
Cantore & Canonicū Cra-
couieñ: Regiūq; Secre-
tarium in augustissi-
mo Cracouieñ.
templo;
habita,

IMPRESSVM PER
FLORIANVM



In Platea ſancti Stepha-
ni, Anno, M, D, XXII, L,



ORATIO

IN HONOREM SANCCTI STANISLAEI

APOSTOLI

Ex
Biblioth. Regia
Berolinensi.

IN HONOREM SANCCTI STANISLAEI
APOSTOLI


VHs 1137123



PTATIS

SIMVS Maieſtatis tue
reditus Sereniſſime ac inui
ſſime Rex incredibili nos
omnes afficit gaudio, in colu
mem reducemq; vt numen
aliquod celo lapſum libeter

intuemur Principem & glorioſiſſimū Regem noſtrū
de more veneramur, Patrem patrie peregre veniens
tem leti conſalutamur, Pro cuius ſeliciffimo ſtatu ſu
plications hic indiximus, deū optimū Maximū diuum
q; Stanilaum qui huic templo pr, ſidet iugiter depre
cati ſumus, Quo ſoſpitem nulle aduerſantis fortune p/
celle, nulli hoſtes ſunt nobis extimeſcendi, Quippe tā
ta eſt nominis Maieſtatis tue magnitudo tāta rerum
geſtarū gloria, vt vel vmbra nominis ſui nos protegat
ac tueatur, vt non ſolum nos hocq; inclytum Regnū
ſed & vicini populi, vicinaq; regna ſalutaria eius ſen
ſerint preſidia, Nulla incircuito barbaries, nulli ho
ſtes ſunt, qui nō animi Maieſtatis tue magnitudinem
inuitūq; robur maximis ſuis cladibus nō ſint exper
ti. Enimvero his paucis annis quibus ad Regni faſti
giū euectus plures pene ex ferociſſimis hoſtibus
victorias reportauit quam alius quiſquā ab immorta





Il deo optare ausus fuisset. Nulla incircuito regio est
quā Maestas tua victoribus armis nō calcauerit, vel
auctoritate sua nominisq; claritate nō impleuerit. Sen-
sit potenciam Maestatis tue simul & diuinam pru-
dentiam ea ora Ponti, Euxini quam Tyras atq; Ister
celebratissimi Europe amnes influunt. Quam Vala-
chiam vocamus, quam quidem in initio Regnationis
sue tumultuantem ac hostilia cum, Turcis ac Tacta-
ris molientem adeo vno felici praelio afflixit, vt maxi-
ma eius gentis parte cesa, Satrapis ac proceribus in
potestatem redactis, ferox alioqui natio, iam inde ni-
hil mouere ausa sit atq; in offitio perseueret. Senserūt,
paulo postea & immanissimi Scyte Tactari quos Ma-
iestas tua per praefectos apud Horiniam flumen vi-
snoueciumq; ingenti praelio superauit, captiuos mise-
rabilem piore turbam, praedamq; omnem ex rapacissi-
mis manibus euulsit, Senserunt & Moscouij extremi,
Sarmacie populi, quos apud Orsam ripaq; Boristenis
vltiorem, haud procul ab aris Alexandri Magni,
octuaginta milibus equitū bellatorū vna acie profligatis
maximo ac cruentissimo conflictu adeo cecidit
vt tinctis cruore aquis Boristenes fluxisse ferat. Quid
dicam de bellicosissimis Bohemis, quos intra regnū suum
tumultuantes, sui Regis iussa cōtemnentes ac iam ad
arma circumspectantes Andrea Tancinio Sandomi-
riensi Satrapa, solertissimo viro, legato ad eos misso



primis motibus compescuit, armaq; ex eorū manibus
iam pene mota excussit. Austria Viennamq; Pan-
nonie nō per legatos sed solus ipse adiit, ornatissimo
purpuratorū cinctus comitatu, ex diuersis gentibus,
& nationibus lingua moribus & habitu diuersis. Vbi
cum Maximiliano Romano Imperatore, duobusq;
consanguineis Vngarie ac Bohemie Regibus, necnō
plurimis germanie ducibus congressus, summa ope
adnixus est, vt pace inter christianos principes com-
posita, contra Turcorum Imperatorem cuius opes
plus nimio & quam nobis tutum esset creuerant bel-
lum in greciam transferretur, vlciscereturq; Vladis-
lai patruī sui clarissimi Regis indignam necē, qui il-
lic apud Varnam in Euxini maris ora, pulso iā om-
ni Turcorū equitatu ac iam pene victor cōtra Amu-
ratem fortissime pugnans occubuit, vna cum Iuliano
sancti Angeli Cardinali Eugenij Romani pontificis
legato, ad quam desideratam expeditionem, suas Ma-
iestas tua vires, regniq; opes, imō & sanguinē si opus
foret, & si in federatis eadem fuisset cōstantia obtulit.
Sensit postea vim & potenciam Maestatis tue rebellis
Prussiaci ordinis Milicia, vrbium castellorūq; suorū
excidio, tociens fusa tociens profligata. Sensit & Al-
bertus eorum summus Magister qui tot cladibus vna
supra aliam consternatus, cum nec intra Regiū mon-
tem Prussie Metropolitim satis tutum se esse existima-






ret, rebus deploratis suis Toruniū veni & Maieſta-
tem tuā ſuplex adoravit. Senſerunt Saxones ac Ger-
mani quos in auxiliū Pruffiaci Magiſtri. Inſtrūctiſſi-
mo exercitu cū fremitu ac furore venientes a dano
clariffimo Regni ſui emporio ac a tranſitu Viſtule
circa Derſauam cum multa cede repulit, Nemetosq̃
ad omniū rerū inopiam redactos, intra germaniā ſuā
cum multa ſtrage victor reiecit, oppida per eos inter-
cepta deiectis germanorū præſidijs momento tempo-
ris recuperavit. Quid de Vngaria contiguo regno re-
feram quā cū Turcorū Imperator ante annū grauiffi-
mo bello premeret Sabaciā ac Nanderalbam validiſ-
ſimas Vngaria arces interceptiſſet. Iamq̃ Budā Pan-
noniorū Regiā, totamq̃ Vngariā, victorie premiū
ſibi pponeret, ad ſolam Maieſtatis tue miſſi exerci-
tus famā quē Ioannes Tarnouius ductavit, rebus diſ-
ſiſus ſuis, motis caſtris cū ingenti dolore Biſauncium
verſus retro abiit. Idemtidē inter ſuos teſtatus, Sigiſ-
mundū Regē victorie ſue curſum remorari, hoc quo-
q̃ nō minoris prudencię ac laudis eſt q̃ cū Taurica-
nus Taſtarus bello & armis expeditiſſimus barbarus
nulli fidem ſeruauerit vn̄ quā. cū Baſilio, potentiffimo
Moſcorum duce nouiſſimis hiſ diebus Maieſtas tua
quinquennale fedus iniit, vt hanc comunem tocius Sar-
macię inno tocius chriſtianitatis peſtem frenis Borifte-
ni impoſtis extra Tauricam ultra paludē Meotidē




Tanaſm̄q̃ In extremos Scithię campos peul pellat
optatamq̃ ac neceſſariam terris ſuis pacē reddat.
Et hoc pfecto magne felicitatis eſt, q̃ Sigiſmundū ſi-
liū Magnū Lituanie ducē declaravit, cūq̃ apud Ala-
nos Tauanos Roxanos ac Maſſagetas, late imperare
iuffit circū Chronē Turuntū ac Boriftenē precipuos
Sarmacię annes, quo prudentiffimo conſilio & am-
pliſſimā Lituaniam Polonię Regno nexu firmiſſi-
mo copulauit. & Sigiſmūdo filio ad auitū Regnum
gradū fecit, Quibus duobus Imperijs populisq̃ iun-
ctis, nullū vnquam bellū geſtū eſt quod non feliciffi-
mū habuiſſet exitū, Et cū hec omnia foris recte ſe ha-
beant, vt domi quoq̃ pacē & quietē nobis pariat ora-
mus, fortunis noſtris que a maliuolis impune diripi-
unt vt conſulat obſecramus, iura miniſtrorum dei, ſi
ſua ſibi a chriſto Rege ſeruari vult, vt diligentius cu-
ſtodiat ſuplicamus. Quēadmodū id chriſtianiffimi
Maieſtatis tue pgenitores, clariffima orthodoxe fidei
lumina ſedulo factitarūt, Ne tam licētioſe rapine ira
numinis irritata, graui aliquo regnicafu (quod deus
omen auertat) expient, Parce pio generi & propius
res aspice noſtras. Habituſ ob id meritū a deo Opt.
Max. huiusq̃ auguſtiſſimi templi patrono mercede
cōdignā Regniq̃ ſui deſideratū incrementū, vt quod
ſlorens a maioribus regnum recepit, liberis ſuis poſt
multam etatē longe florentiffimū relinquat. DIXI.



Summa multiplicatio completa



[Faded, illegible text, likely bleed-through from the reverse side of the page.]



[Small handwritten mark or symbol.]

Hist. Poloniae

1. spec.

